

E DIFERENCIA DEN NOTICIA

MEHORANDO EXPERIENCIA DI PASAHERO

AEROPUERTO DI ARUBA TA CLA PA LANSA TERMINAL NOBO DI CHECK-IN PA MERCA



LIDERAZGO PAFO DI E 'SPOTLIGHT' **3**

**SIRBI PUEBLO
PROME CU HACI SHOW**

UN LES PA ARUBA **4**

**AMBICION GRANDI,
PASENSHI REALISTICO**

10

**SVB A RICIBI E APODERACION
PA AUMENTA E REPARATIETOESLAG
PA PENSIONADO CU 250 FLORIN**

M-Files
The Smarter Way to Work.

 **the Search!**

Find and access content based on *what it is*, not where it is saved

- Cloud, On-Premises, or Hybrid
- Automated Workflows and Security
- Seamless Integration with: Microsoft Office,
- Dropbox, GoogleDrive, DocuSign, AdobeSign

VCC
International NV

Mehorando experiencia di pasahero

Aeropuerto di Aruba ta cla pa lansa terminal nobo di check-in pa Merca

AEROPUERTO di Aruba ta preparando pa lansa operacionnan na su terminal nobo di check-in pa Merca, marcando un paso importante den su mision pa mehora experiencia di pasahero y eficiencia operacional. E apertura den fase di e terminal lo cuminsa riba diamars, 8 di april 2025, cu un transicion completo spera pa fin di mei.

Pa sigura un transicion sin problema, Aruba Airport Authority (AAA), den colaboracion cu Chrysalis Global Consulting—un compania specialisa den Preparacion Operacional y Transicion di Aeropuerto (ORAT)—a conduci mock trials extensivo. Esakinan a inclui pasaheronan boluntario simulando proceduranan di check-in y manipulacion di maleta di bida real, permitiendone aeropuerto test e fluho di pasahero y sistemanan tecnico den un ambiente bibo. E pruebanan aki tabata esencial den refina operacionnan y sigura e preparacion di tur infraestructura prome cu lansamento di e terminal.


“E transicion aki ta marca un logro significativo den nos esfuerzonan continuo pa mehora e experiencia di aeropuerto,” Marylou Van der Linden, Manager di Operacionnan na Aeropuerto di Aruba a bisa. *“Door di traha estrechamente cu partnernan di aerolinea y manehadonan na tera, nos ta estableciendo un proceso di check-in eficiente y enfoca riba pasahero.”*

E introduccion den fase di e terminal nobo lo cuminsa cu tur aerolinea maneha pa General Air Services (GAS)—incluyendo Delta Air Lines, United Airlines, Southwest Airlines, y Spirit Airlines—mudando p’e facilidad nobo dia 8 di april. Pa 29 di april, ta spera cu tur transportista Mericano, incluyendo esnan maneha pa AGS/Swissport manera JetBlue y American Airlines, lo ta completamente transiciona.

E cronologia pa implementacion ta lo siguiente:

- **Maart:** Finalisacion di training y operacionnan di prueba cu participacion di personal di AAA, ekiponan di aerolinea, y manehadonan na tera.
- **April:** Operacionnan inicial di aerolinea ta cuminsa n’e terminal nobo.
- **Mei:** Lansamento completo di e terminal nobo, cu tur vuelo destina pa Merca procesa via e facilidad actualisa.

E apertura di e terminal aki ta representa un upgrade grandi n’e infraestructura di aeropuerto di Aruba, mehorando eficiencia y comodidad p’e mas cu 3 milyon biahero anual cu ta pasa door



di Aeropuerto Internacional Reina Beatrix (AUA). Cu mas cu 25 aerolinea sirbiendo 45 destinacion non-stop, Aeropuerto AUA ta un di esnan mas druk y miho conecta den Caribe. Aruba Airport Authority a expresa su aprecio p’e cooperacion y pasenshi di tur stakeholder y biahero durante e transicion. Actualisacionnan y mas detaye lo wordo comparti mientras e fase final di lansamento ta yega na mei.

Pa mas informacion, bishita www.airportaruba.com of sigui Aruba Airport riba medionan social.